



和18
1687
/



和
1687
1-12



目錄
首



義例

古今選家讚毀不同取舍以隨昭明文選馮氏詩紀
高氏品彙最號精博文選未及近體詩紀止於隋氏
品彙專於一代咸爲缺典是編也搜諸集稽逸傳溯
自 皇明極于軒唐古多歌謠故先之以襍言次之
以四言其次古體其次絕句詩至律而體窮故終以
律詩三言六言間以類附總計古逸漢魏什之八九
六朝什之四五唐則多取初盛而略於中晚宋元明
什之二三務取其通體完整一韻之奇巧一句之清
警置不收焉此選之之大旨云

詩之言志也凡觸於物而感於心而發爲詩而所稱
豪壯也沈鬱也閒澹也峭奇也穠麗也纖緻也千變
萬殊橫說豎說夫莫非臻其妙者猶松柏草花之各
得其天不可偏廢故靡鉅以舉靡細以遺多少視家
數體制隨其人然而襲一套者刪爲鑒準者存蓋格
欲彌廣簡欲彌精也

秦火以前并曰古逸漢魏以下分以世代而五言古
之始蘇李絕句之始漢五言律詩之始于齊梁義各
有據觀者詳之

此選大抵專以雜言三言四言五言六言七言彙次
爲編故辭箴贊頌及琴操哀誄等作不別立門目隨
字載於各編俾便查閱

高棟纂唐詩云樂府不另分爲類者以唐人述作者
多達樂者少不過因古人題目而命意寔不同雖有
新立題目名爲樂府其聲律未必盡被於弦歌今亦
隨五七言古今體分編而原題下標郊祀鼓吹瑟調
鏡歌相和等曲以存其名

字句參差不齊非賦體詩體名曰雜言者漢魏詩乘
及唐詩品彙略已見之故別編爲初集編次依品彙
分類而古近體及絕句必先五言而後七言者槩分

其源委之遠近
古詩主於文選詩乘雜言三言主於詩紀近體絕句
主於品彙而上下世代稍加增損如皇澤白雲皇娥
白帝等所謂偽撰者亦姑存而存疑
律詩於古詩較多以循時尚也在君子財察
選主於詩他宜從略竊附古人讀書論世之意一部
所誤錄合一千一百三十家有奇編以世次歷敘名
氏官爵行事大要無攷者闕

詩宗總目

卷首閨集

集論

世次

卷一子集

雜言 古逸至宋

附三言 古逸至宋

卷二子集

四言 古逸至宋

卷三丑集



古詩一 五言 漢至魏

卷四丑集

古詩二 五言 晉

卷五寅集

古詩三 五言 宋至隋

卷六寅集

古詩四 五言 唐上

卷七卯集

古詩五 五言 唐中

卷八卯集

古詩六 五言 唐下至明

卷九辰集

古詩七 七言 古逸至唐上

卷十辰集

古詩八 七言 唐下至明

卷十一巳集

絕句一 五言 漢至明

附六言 魏至明

卷十二巳集

絕句二 七言 北魏至明

卷十三午集

律詩一 五言 齊至唐上

卷十四午集

律詩二 五言 唐中下

卷十五未集

律詩三 五言 宋至元

卷十六未集

律詩四 五言 明

卷十七申集

律詩五 七言 唐上

卷十八申集

律詩六 七言 唐中

卷十九酉集

律詩七 七言 唐下

卷二十酉集

律詩八 七言 唐下

卷二十一戌集

律詩九 七言 宋上

卷二十二戌集

律詩十 七言 宋下至元

卷二十三亥集

律詩十一 七言 明上

卷二十四亥集

律詩十二 明下

附排律 五七言 唐至明

詩宗閩集卷首

集論

鍾嶸云詩有三義酌而用之幹之以風力潤之以丹彩使味之者無極聞之者動心是詩之至也若專用比興則患在意深意深則詞躓專用賦體則患在意浮意浮則詞散

又云思君如流水既是即目高臺多悲風亦惟所見見晨登隴首羌無故實明月照積雪詎出經史觀古今勝語多非補假皆由直尋

劉勰云情者文之經辭者理之緯經正而後緯成理

定而後辭暢○文之英蕤有秀有隱隱也者文外之
重旨秀也者篇中之獨拔○四序紛迴而入興貴閒
物色雖煩而析辭尚簡使味飄飄而輕舉情曄曄而
更新

沈約云五色相宣八音協暢由乎玄黃律呂各適物
宜若前有浮聲則後須切響一篇之內音韻盡殊異
句之中輕重悉異妙達此旨始可言詩

李仲蒙云儷辭之體有四對言對爲易事對爲難反
對爲優正對爲劣

殷璠云詩有神來氣來情來有雅體野體鄙體俗體

劉禹錫云片言可以明百慮坐馳可以役萬景工於
詩者能之

梅聖俞云忠之工者寫難狀之景如在目前含不盡
之意見於言外

嚴羽云禪道惟在妙悟詩道亦在妙悟惟悟乃爲當
行乃爲本色漢魏尚矣不假悟謝靈運至盛唐諸公
透徹之悟也他雖有悟者皆非第一義故推原漢魏
以來當以盛唐爲法○詩有別才非關書也詩有別
趣非關理也然非多讀書多窮理則不能極其至
又云盛唐諸公惟在興趣羚羊挂角無迹可求故其

詩宗
卷之二
妙處透徹玲瓏不可轉泊如空中之音相中之色水中之月鏡中之象言有盡而意無窮
李夢陽云古人之作其法雖多端大抵前疎者後必密半闊者半必細一實者一必虛墨景者意必二徐禎卿云朦朧萌拆情之來也汪洋曼衍情之沛也連翩絡屬情之一也馳軼步驟氣之達也簡練揣摩患之約也頡頏疊貫韻之齊也混純貞粹質之儉也明雋清圓詞之藻也○古詩三百可以博其源遺篇十九可以約其趣樂府雄高可以厲其氣離騷淡永可以裨其思

謝榛云近體誦之行雲流水聽之金聲玉振觀之明露散綺講之獨繭抽絲詩有造物一句不工則一篇不純是造物不完也○作詩繁簡各有其宜譬諸衆星麗天孤霞捧日無不可觀

王世貞云擬古樂府如郊祀房中須極古雅發以峭峻鏡歌諸曲勿優可解勿遂不可解須斟酌淺淡質文之間漢魏之辭務尋古色相和瑟曲諸小調係此朝者勿使勝質齊梁以後勿使勝文近事毋俗近情毋纖拙不露態巧不露痕寧近無遠寧朴無虛有分格有來委有實境一步議論便是鬼道

又云西京建安似非琢磨可到要在專習凝領之久神與境會忽然而來渾然而就無歧級可尋無色聲可指三謝固自琢磨而得琢磨之極妙亦自然又云七言歌行之法其發也如千鈞之弩一舉透革縱之則文漪落霞舒卷絢爛一入促節則淒風急雨窈冥變幻轉折頓挫如天驥下坂明珠走盤收之則如橐聲一擊萬騎忽斂寂然無聲○歌行有三難起調一也轉節二也收結三也唯收爲尤難如作平調舒徐縣麗者結須爲雅詞勿使不足令有一唱三歎意奔騰洶湧驅突而來者須一截便住勿畱有餘中

作奇語峻奪人魂者須令上下脈相顧一起一伏一頓一挫有力無迹方成篇法此祕密大藏印可之妙又云七言律不難中二聯難在發端與結句發端盛唐人無不佳者結頗有之然亦無轉入他調及收頓不住之病篇法有起有束有放有斂有喚有應一開則一闔一揚則一抑一象則一意無偏用者句法有直下者有倒插者倒插最難非老社不能也字法有虛有實有沈有響虛響易工沈實難至五十六字如魏明帝凌雲臺材未銖兩悉配乃可耳篇法之妙有不見句法者句法之妙有不見字法者此是法極無

詩宗 三問集
跡人能之至境與天會未易求也勿和韻勿拈險韻
勿傍用韻勿偏枯勿求理勿搜僻勿用六朝強造語
勿用大曆以後事此詩家魔障慎之慎之

又云絕句固自難五言尤甚離首卽尾離尾卽首而
腰腹亦自不可少妙在愈小而大愈促而緩吾嘗讀
維摩經得此法一丈室中置恆河沙諸天寶座丈室
不增諸天不減又一剎那定作六十小劫如是乃得
胡應麟云吾於宋嚴儀卿得一悟字於明李夢陽得
一法字皆于古詞場大關鍵二者不可偏廢法而不
悟如小僧縛律悟不由法外道野狐耳○嚴氏以禪

喻詩旨哉禪則一悟之後萬法皆空棒喝怒可無非
至理詩則一悟之後萬象冥會呻吟咳唾動觸天真
然禪必深造而後能悟詩雖悟後仍須深造自昔瑰
奇之士往往有識窺上藥業阻半途者

又云取樂府之格於兩漢取樂府之材於三曹以三
曹語入兩漢調而渾融無迹會於騷雅

又云五言古先熟讀國風離騷源流洞徹乃盡取兩
漢雜詩陳王全集及子桓公幹仲宣佳者枕藉諷詠
工淡日遠神動機流一朝吮毫天真自露骨格既定
然後沿洄阮左以窮其趣頡頏陸謝以采其華苟及

陶韋以澹其忠博考李杜以極其變超乘而上可以掩跡千秋循轍而趨無忝名家一代

又云五言律母習王楊以前母窺元白以後先取沈宋陳杜蘇李諸集朝夕臨摹則風骨高華句法宏贍音節雄亮比偶精嚴次及盛唐王岑孟李承之以風神暢之以才氣和之以真澹錯之以清新然後歸宿杜陵究竟絕軌極淡研幾窮神知化能事盡矣○排律先熟讀宋駱沈杜諸篇倣其布格措辭則體裁平整句調精嚴益以摩詰之風神太白之氣槩既奄有諸家美善咸備然後究極杜陵擴之以闡大澹之以

沉澹鼓之以變化排律之法盡矣

又云凡詩諸體皆有繩墨惟歌行出自離騷樂府故極散漫縱橫初學嘗擇盛唐易下手者脈絡分明句調婉暢既自成家然後博取李杜大篇合變出奇窮高極遠又上之兩漢樂府落李杜之紛華又上之楚人離騷鎔樂府之氣習乃為至矣

又云近體之難莫難于七言律五十六字之中意若貫珠言若合璧其貫珠也如夜光走盤而不失迴旋曲折之妙其合璧也如玉匣有蓋而絕無參差扭捏之痕綦組錦綉相鮮以為色宮商角徵互合以成聲

患欲深厚有餘而不可失之晦情欲纏綿不迫而不可失之流肉不可使勝骨而骨又不可太露詞不可使勝氣而氣又不可太揚莊嚴則清廟廟堂沉著則萬鈞九鼎高華則朗月繁星雄大則泰山喬嶽圓暢則流水行雲變幻則淒風急雨一篇之中必數者兼備乃稱全美故名流哲匠自古難之○壯偉者易粗豪和平者易卑弱深厚者易晦澁濃麗者易繁蕪寓古雅于精工發神奇于典則鎔天然于百鍊操獨得于千鈞古今名家罕得兼備○唐以老杜為主參之以李頎之神王維之秀岑參之麗明則仲默之和暢

于鱗之高華明卿之沈雄元美之博大兼收時出法盡此矣

又云五言絕須熟讀漢魏及六朝樂府源委分明逕路諳熟然後取盛唐名家李王崔孟諸作陶以風神發以興象真積力久出語自超七言絕以太白江寧為主參以王維之俊雅岑參之濃麗高適之渾雄韓翃之高華李益之神秀益以弘正之骨力嘉隆之氣韻集長舍短足為大家

詩紀云讀騷要見情有餘處漢詩先真實後文華建安詩於文華中取真實三國六朝樂府猶有真意勝

言宗 三問集
於當時文人之詩文選詩東都以上主情建安以下
主意三謝以下主辭

嚴羽云學詩者以識為主入門須正立志須高以漢
魏晉盛唐爲師若自退屈卽有下劣詩魔入其肺腑
由立志不高路頭一差愈驚愈遠由入門不正也
葉岑翁云凡學詩者當效法於古取裁於今採擷李
杜諸家之華以爲骨格多讀書廣聞見以資詩料聲
律旣徹神境自孚而曾次勃然如欲稱頌功德不可
過爲溢美而近于佞諛諷刺時事不可太露圭角而
貴有含蓄以至和平溫雅務得性情之正然立意旣

卓又要審夫體裁貴乎字字有源流而非杜撰牽強
句句有來歷而又不蹈襲前人譬如組織宮錦經緯
了然一絲不亂

讀詩者全在識得古人精神筆力並其篇法句法字
法承接轉換之妙故讀詩而不得古人之肺腑則不
必讀作詩而不盡一生之精神則不必作

詩有忌者五格忌弱弱則不老字忌俗俗則不雅才
忌浮浮則不切意忌短短則不淡語忌雜雜則不純
詩有六義曰雄渾曰悲壯曰平淡曰蒼古曰沈著痛
悛曰優游頓挫

詩有七戒曰乖錯不貫串曰直率不婉曲曰妄誕不切實曰綺靡不典重曰蹈襲不識使曰穢濁不清新曰砌合不純粹

黃山谷云寧律不諧不使句弱用字不工不使語俗此庾開府之所長也然有意於為詩也至於淵明則所謂不煩繩削而自合者雖然巧於斧斤者多疑其拙窘於檢括者輒病其放拙與放豈為不知者道秦少游云蘇武李陵長於高妙曹植劉公幹長於豪逸陶潛阮籍長於冲澹謝靈運鮑照長於俊潔徐陵庾信長於藻麗若子美者窮高妙之格極豪逸之氣

包冲澹之趣兼俊潔之姿備藻麗之態而諸家之所不及也

朱文公云古詩須看西晉以前如樂府諸作皆佳杜甫夔州以後自出規模不可學○李太白詩不專是豪放亦有雍容和緩底如首篇大雅久不作多少和緩○查蘇州詩高於王維孟浩然諸人以其無聲色臭味也

虞集云三百篇經也杜詩史也詩史之名指事實耳不與經對言然風雅絕響之後惟杜公得之則史而能經也學工部則無往而不在矣

詩宗 卷四
趙次公云論文至於細始盡其妙矣非李杜莫造也
或問王荆公云編四家詩以子美爲第一太白爲第
四豈白不逮耶公曰白之歌詩豪放飄逸人固莫及
然其格止於此而已不知變也至於子美則悲懽窮
泰發斂抑揚疾徐縱橫無施不可故其詩有平淡簡
易者有綺麗精確者有嚴重威武若三軍之帥者有
奮迅馳驟若泛駕之馬者有淡泊閑靜若山谷隱士
者有風流醞藉若貴介公子者苟不能臻其間奧未
易識其妙處此子美之所以光掩前人而後來無繼
也元稹以謂兼人所獨專斯言信矣

高棅云古詩三百篇孔子刪而定之蓋欲人得其性
情之正漢去古未遠當時作者猶有風人遺意魏晉
而降世變而詩隨之獨陶元亮天資挺拔高情遠韻
迥出流俗漢魏以來一人而已唐人以詩鳴者無慮
百餘家品格風韻蓋人人殊韋蘇州生其間盡脫陳
隋故習一寄鮮穠於簡澹之中晦翁取焉是又元亮
之後一人而已并陶詩讀之而有得焉發爲篇章庶
幾和平冲澹不失古詩人吟詠性情之意矣若乃雕
鏤鍛鍊以爲工叫呼叱咤以爲豪此陶韋之所棄
楊士奇云律詩始盛於開元天寶之際如王孟岑韋

諸作者從容蕭散有餘味可諷詠也若雄淡渾厚有行雲流水之勢冠冕珮玉之風流出曾次從容自然皆由性情之正局於法律亦不越乎法律之外所謂從心所欲不踰矩爲詩之聖者其杜少陵乎

茗溪詩話云自齊梁下至溫飛卿輩往往以綺麗風花累其正氣其過在於理不勝而詞有餘也

珊瑚詩話云篇章以含蓄天成平爽恬澹爲上破碎雕鏤怪險蹶趨爲下如李長吉錦囊句非曰不奇也而牛鬼蛇神太甚所謂施諸廟堂則駭矣

葉岑翁云詩最戒俗白樂天長於敘事如長恨歌琵琶

行等作非不佳妙然每成一詩必使老嫗解之如不解輒棄去故俗之一字乃不易定評李于鱗不選者非過於嚴刻正爲其俗耳

胡應麟云十九首後得其調者古今曹子建而已三百篇後得其意者古今杜子美而已元亮之高太白之逸自是詞壇絕步但入此二流不得

又云有唐一代拾遺草創實阮前踪太白縱橫亦鮑近矐少陵才具無施不可而憲章祖述漢魏六朝所謂風雅之大宗藝林之正朔也

又云樂府則太白擅奇古今少陵嗣迹風雅

又云少陵不效四言不做離騷不用樂府舊題是此
老曾中壁立處然風騷樂府遺意杜往往得之太白
以百憂等篇擬風雅鳴臯等作擬離騷俱相去懸遠
樂府奇偉高出六朝古質不如兩漢較輸杜一等也
又云五言律太白風華逸宕特過諸人而後之學者
才匪天仙多流率易唯工部諸作氣象崑峨規模宏
遠當其神來境詣錯綜幻化不可端倪千古以還一
人而已○法律甚嚴惟杜變化莫測亦惟杜
又云排律太白軒爽雄麗如明堂黼黻冠蓋輝皇武
庫甲兵旌旗飛動少陵變幻閎濶如陸昆侖泛溟渤

千峯羅列萬彙汪洋

顧有孝云元稹論李杜曰子美蓋上薄風騷下該沈
宋言奪蘇李氣吞曹劉掩顏謝之孤高雜徐庾之流
麗盡得古今之體勢兼人人之所獨專能所不能無
可無不可詩人以來未有如子美者予觀其壯浪縱
恣擺去拘束模寫物象乃樂府歌詩誠若差肩于子
美矣至若鋪陳終始排比聲韻大或千言次猶數百
詞氣豪邁而風調清淡屬對律切而脫棄凡近則李
尚不能歷其藩翰况堂奧乎自後以稹論爲是
豫章僧來復云詩自刪後至于兩漢正意猶完建安

詩宗 二 目錄
以來寢尚綺麗而詩道微矣魏晉作者雖優不能兼
備諸體其鏗鉤軒昂上追風雅所謂集大成者唯唐
有以振之降是無足采焉○書止於晉詩止於唐
林鴻云上自蘇李下迄六代漢魏骨氣雖雄菁華不
足晉祖玄虛宋尚條暢齊梁以下但務春華殊欠秋
實唯李唐作者可謂大成然貞觀尚習故陋神龍漸
變常調開元天寶間神秀聲律粲然大備學詩者當
以是楷式

高棅云漢魏質過於文六朝華浮於實得二者之中
備風人之體唯唐為然然世次不同故所作亦異初
唐聲律未純晚唐氣習卑下卓卓乎其可尚者又惟
盛唐為然此具九方臯目者之論也

胡應麟云唐人詩初發芙蓉自然可愛宋人詩如披
沙揀金力多功少元人詩如鏤金錯采彫績滿前三
語本六朝評顏謝詩以分隸唐宋元人亦不甚誣也
又云宋人調甚駁而材具縱橫浩瀚過於元元人調
頗純而材具局促卑陬劣於宋然宋之遠於詩者材
累之元之近於詩者亦材使之然故蹈元之轍不失
為小乘入宋之門多流於外道矣

詩法源流云唐人以詩為詩宋人以文為詩唐詩主

言宗
二
於達性情故於三百篇爲近宋詩主議論故於三百篇爲遠

陶瀚云宋牧仲序元詩曰宋詩多沉儂近少陵元詩多輕揚近太白以晚唐論則宋人學韓白爲多元人學溫李爲多要亦娣姒耳竊謂宋人本領大元人不及然元人修飾琢磨之工則勝宋人也

又云論氣格則宋詩辣元詩近甜宋詩蒼元詩近嫩論情韻則元爲優○何仲默云宋人似蒼老而實粗鹵元人似秀峻而實淺俗

又云詩避邨氣樸遼喬野其村易知也元人邨處正如三家村婦女雖珠圍翠繞彌見笑大方又類樞豎之家不乏金玉錦繡而無圖書法物然去其村者亦復斐蔚

又云詩本性情原有特地乾坤何必借人面目如明王李刻擬漢魏句句求似祇成贗鼎少陵不擬古題青蓮時離本意香山直爲新樂府斯皆善學古人苟自出杼軸何礙翻新否則捶碎黃鶴樓談何易乎又云詩過求奇不與怪而與庸詩過求淡不與僻而與淺太工者反拙太密者反疎太新者反陳太切者反套此必然之理如劉清叟王義山輩其顯然者也

言
○義山詩云船空載取月同去蓬破偷將天入來清
瘦詠梅云除香除影賦梅花方許詩中擅作家又貪
財更似方山犬逃命人如入峽猿皆過火之病
又云宋季詩太質質則野元季詩太文文則靡錯采
鏤金雕績滿眼求其天然去彫飾者雲林生而已
又云畫家言畫鬼易畫狗馬難作詩亦然難在真情
真理尋常委瑣處發人所未發而却是人人意中所
欲出若說神說怪誕而仙佛褻而閨閣遊仙香奩諸
體任是驚才絕豔正其本領不濟鐵體往往蹈此
曹學佺云國朝自洪武迄永宣僅六七十年間作者

名數已軼過宋元兩代矣乃所稱齊名者在元勳則
有劉宋在名佐則有三楊在死事則有張以寧王禕
孫炎在殉難則有方孝孺練子寧程本立又何其與
勛業節槩相頡頏也以其地而論其在吳中則有高
楊張徐在豫章則有江西詩選在兩浙則金華爲尤
盛四明紹興寔羽翼之在東粵則有五先生在閩中
則有十才子而三山詩選閩詩正聲又有出十才子
之外者豈若唐宋一二齊名者而爲耦者歟
吳從先云文章之妙語悒令人舞語悲令人泣語幽
令人冷語憐令人惜語險令人危語慎令人密語怒

言宗
一
令人按劍語激令人投筆語高令人入雲語低令人
下石是謂駭目洞心不在修詞琢句故曰鼓天下之
動者存乎神

又云浩然苦吟落眉裴祐淡思穿袖詩賦之工豈云
偶得寧取十年兩句敢云頃刻千言

又云名世之語政不在多驚人之句流聲甚遠譬如
楓落吳江冷千秋之賞不過五字

胡應麟云四言變而離騷離騷變而五言五言變而
七言七言變而律詩律詩變而絕句詩之體以代變
也三百篇降而騷騷降而漢漢降而魏魏降而六朝

六朝降而三唐詩之格以代降也上下千季雖氣運
推移文質迭尚而異曲同工咸臻厥美國風雅頌溫
厚和平離騷九章愴惻濃至東西二京神奇渾樸建
安諸子雄贍高華六朝排偶靡曼精工唐人律調清
圓秀朗此聲歌之各擅也風雅之規典則居要離騷
之致淡永爲宗古詩之妙專求意象歌行之暢必由
才氣近體之攻務先法律絕句之構獨主風神此結
撰之殊塗也兼袁總挈集厥大成詣絕窮微超乎彼
岸軌筏具存在人而已

高棟云五言之興源於漢注於魏汪洋乎兩晉混濁

乎梁陳大雅之音幾乎不振唐氏勃興文運丕溢
又云五言長篇自古樂府焦仲卿而下繼者絕少唐
初亦不多見逮李杜始盛

又云七言古詩雖云始自漢武柏梁然歌謠等作出
自古也如甯戚之商歌七言略備迨漢則純乎成篇
下及魏晉相繼有述其間雜以樂府長短句詞吟曲
引篇行咏調之屬皆名爲詩唐初作者亦少

又云七言律詩五言八句之變也在唐以前沈君攸
七言儷句已近律體唐初始專此體

又云七言絕句始自古樂府挾瑟歌梁元帝烏栖曲

江摠怨詩行等作皆七言四句至唐初始穩順聲勢
定爲絕句

又云六言始自漢司農谷永魏晉間曹陸間出至唐
屢見然亦不過詩人賦詠之餘矣

葉岑翁云四言詩唐人罕作亦未有佳者惟晉永和
諸子頗臻其妙然遠出三百篇之下

又云五言古體起于蘇武李陵然夏歌楚謠間用五
字成句其源又不特始于蘇李矣

又云五言絕句始自漢魏樂府如白頭吟桃葉歌等
篇皆其體也但入唐尤盛耳

又云五言律雖自唐始實由梁陳儷句之漸唐人工之者眾所以各臻其妙

又云五言排律其源自顏謝諸子古詩之變也首尾排句聯對精密較之五言近體更為嚴整唐時考試應製多用排律如錢起湘靈鼓瑟等題可見

又云七言排律亦是古體之變雖與五言相同而加以二字便難下手不惟太白鮮見即杜甫諸篇率多雅句俚句中晚人饒為之亦罕有佳者

詩宗閩集卷首

詩宗閩集卷首

世次

古逸

黃帝公孫姓又曰姬姓名軒轅有熊國君少典子土

德王故號黃帝以居軒轅之丘又號軒轅氏

皇娥生少昊號曰窳桑氏

白帝子太白之精降水際與皇娥燕喜

唐堯伊祁姓堯名帝嚳子古者帝王並以名稱放勳

史臣贊辭後因為名為唐侯都陶故號陶唐氏

虞舜姚姓舜名顓頊六世孫重華言堯有光華舜又

詩宗
有光華本史臣贊辭因爲名

舜八伯

舜臺臣如禹棄契垂益伯夷臯陶夔龍之類

許由字仲武聞堯治天下而讓焉遁於潁水之陽箕

山之下堯名爲九州長由不欲聞洗耳於潁濱

夏禹姒姓禹名鯀之子顓頊孫或曰名文命言敷其

文教因爲名

箕子子姓名胥餘紂諸父也周武王滅殷封於朝鮮

夷齊皆謚姓墨胎伯曰允字公信叔曰智字公達孤

竹君之二子也

季歷姬姓周農師古公亶父少子娶太任生文王

周文王名昌后稷十五世孫爲殷西伯追尊爲文王

周武王名發文王子周古公所居地武王因爲國號

管叔名鮮蔡叔名度皆武王弟而監殷者也

西王母姓楊氏名回或曰姓侯氏以丁丑日死

正考父宋微子啓之後孔子八代祖也

尹伯奇吉甫子爲繼母所逐投河死

柳下惠妻惠謚姓展名禽居柳下故稱之

百里奚妻奚虞大夫

舟之儁晉文公出亡去虞而從者也

甯戚困窮無以自達為商旅飯牛桓公聞其歌授政

韓終古仙人

女娟趙河津吏女也

楚王子

陳音越之善射者

文種越王勾踐之大夫

楚漁父

伯牙姓俞名瑞楚人仕晉至上大夫

牧犢子齊之處士五十而無妻

楚狂接輿姓陸名通好養生遊名山佯狂不仕

孔子名丘字仲尼鄒大夫叔梁紇子母顏氏仕魯為

大司寇攝行相事唐玄宗諡文宣宋真宗加至聖

元武宗又加大成唐高祖始於國學立廟

卞和楚野民以獻玉璞再斬其足後封陵陽侯不受

楚襄王名橫懷王太子本稱頃襄王或稱襄王

宋玉屈原弟子也楚大夫

唐勒楚襄王之大夫

景差與唐勒同列

祝枝

采葛婦

陶嬰魯陶明之女

紫玉吳王夫差之小女

韓憑妻何氏宋康王舍人之妻

莊周字子休蒙人號南華仙人為梁漆園吏齊楚聘

為相不應遁世自放

淳于髡齊人梁惠王欲待以卿相之位謝去終不仕

蘇秦師鬼谷子游說秦王書十二上後合從并相六

國齊大夫與秦爭寵刺秦殺之

魯連子即魯仲連先生齊之高士也後人或作魯連

荀子名卿字况五十始遊學為楚蘭陵令著書數萬

言羽翼六經李斯為其弟子漢諱宣弟名改孫卿

荆軻齊人好讀書擊劍衛謂慶卿燕謂荆卿公叔疑

其字

項籍字羽世為楚將秦亂自稱西楚霸王後為漢滅

商山四皓皆軼人曰東園公姓唐字宣明居園中因

為號一作名乘曰角里先生太伯之後姓周名術

字元道一作祿里曰綺里季姓朱名暉字文季或

曰綺里姓季字一作綺季曰夏黃公姓崔名廣一

作廓字少通以秦時博士見秦政虐共入商洛隱

地肺山漢高徵不至○書蕉朱暉作吳寶字子景

漢

高帝劉氏諱邦字季崩羣臣尊號曰高皇帝

唐山夫人高帝之姬唐山姓也

戚夫人高帝之幸姬

宋虛侯章齊悼惠王次子以誅諸呂封城陽王

翟公下邳人官廷尉

田橫門人

武帝諱徹景帝中子

烏孫公主名細君江都王建女武帝封公主妻烏孫

王後不欲復妻其子吞藥而卒琴操爲昭君事誤

李陵字少卿廣之孫少爲侍中後出戰降虜單于妻

以女爲右校王在匈奴二十年卒

蘇武字子卿以郎將被拘匈奴十九年歸拜典屬國

蘇武妻

東方朔字曼倩稱東郭先生久待詔公車貧寒衣履

不完行雪中履有上無下足盡踐地以談諧親近

然觀上顏色時時直諫累遷太中大夫給事中後

人或作東朔

司馬相如字長卿小字犬子後人或作馬卿以訾爲

郎後爲文園令常有消渴病旣免家居茂陵

卓文君臨邛富人卓王孫之女好音

李延年故倡善歌坐法腐刑以女弟李夫人故貴為

協律都尉

昭帝諱弗陵武帝第三子

楊惲字子幼司馬遷之外孫為郎霍氏謀叛惲先以

聞封平通侯遷中郎將與太僕戴長樂有失長樂

告惲罪免為庶人後坐怨望誅

韋玄成字少翁孟六世孫繼爵遷太常坐楊惲黨免

揚雄字子雲後人或作揚雲四十餘遊京師王音薦

為郎中給事黃門稱執戟

王昭君名嬀宮人元帝時後宮多不得常見乃圖其

形按圖召幸皆賂畫工昭君恃其貌獨不與乃惡

圖之後選美人配匈奴昭君以圖當行入舜光彩

射人帝驚悔按誅畫工毛延壽遂與之號寧胡關

氏生二子其子株累復妻之生一子晉諱武帝名

改明妃

趙飛燕長安宮人屬陽阿主家學歌舞號飛燕成帝

過主見悅之召入大幸立為后有女弟俱為婕妤

班婕妤好彪之姑有才學成帝選入宮為婕妤後飛燕

譖之考問上善其對遂求供養太后長信宮

白狼王唐鼓光武時西南夷

馬援字文淵為伏波將軍征交趾封新息侯

班固字孟堅彪子九歲能屬文除蘭臺令史大將軍
竇憲出征匈奴固為中護軍憲敗固坐免死獄中
高彪字義方志尚甚高

蘇耽

趙壹字元叔名動京師州郡爭禮十辟公府並不就
鄺炎字文勝州郡辟命皆不就性至孝遭母憂適風
病甚發妻始產驚虎妻家訟之病不能對竟死獄
仲長統字仲理荀彧舉為郎後參丞相曹操軍事

麗玉朝鮮津卒霍里子高之妻

魏伯陽本高門之子好道術著參同契與弟子入山
作神丹丹成服之皆仙去

張衡字平子安帝徵拜郎中出為河間相復拜尚書
桓麟字元龍桓榮之孫精鑿好學

靈帝諱宏肅宗之玄宗河間孝王之曾孫

蔡邕字伯喈性篤孝辟橋玄府遷中郎後董卓辟為
尚書及卓誅王允收付廷尉遂死於獄

梁鴻字伯鸞與妻孟光隱居耕織為業琴書自娛

蔡琰字文姬邕女衛仲道妻夫亡無子歸于家後沒

南匈奴十三年生二子曹操痛豈無嗣贖還重嫁
辛延年

宋子侯

太真夫人王母少女名婉羅字勃遂

馬明生本姓和字君實後更姓名隨太真夫人執役
陰長生皇后之親屬從馬明生學道

孔融字文舉孔子之後為侍御史以忤董卓出為北
海太守累遷太中大夫數以書爭曹操為操所害
與陳琳王粲徐幹阮瑀劉楨應瑒稱建安七才子
秦嘉字士會

徐淑秦嘉之妻夫死毀形不嫁哀痛傷生

崔瑗字子玉早孤好學舉茂才為汲令遷濟北相

崔少府妻

蘇伯玉妻

竇玄妻

諸葛亮字孔明從先主為軍師後位丞相謚忠武

魏

武帝曹操字孟德歷丞相封魏王後子丕追謚武

文帝丕字子桓武帝長子八歲能屬文後稱受漢禪

陳王植字子建文帝母弟封陳王謚忠後稱八斗才

明帝獻文帝子

甄后本袁熙妻為文帝后生獻後為郭嬪所譖賜死
 王粲字仲宣從獻帝西遷後魏王操辟為掾拜侍中
 陳琳字孔璋袁紹辟典密事紹死魏王為軍謀祭酒
 阮瑀字元瑜操召為軍謀祭酒書檄多瑀所作
 繁欽字休伯以豫州從事遷丞相主簿
 徐幹字偉長為司空軍謀祭酒五官中郎將
 劉楨字公幹少學大道辟丞相掾以不拜甄氏減死
 應瑒字德璉為五官中郎將文學
 應璩字休璉瑒弟為長史曹爽多違法度為詩以諷

繆襲字熙伯官尚書光祿勳

嵇喜字公穆舉秀才官刺史

嵇康字叔夜喜弟本姓奚後改嵇好老莊尚任俠家
 貧鍛以自給與魏宗室婚為中散大夫後坐呂安
 事被誅○嵇他本或作稽

阮籍字嗣宗瑀子容貌魁傑為散騎常侍司馬昭欲
 為其子炎求婚籍乃醉六十日不得言而止間步
 兵廚多美酒求為步兵校尉對人為青白眼

王宋平虜將軍劉勳妻入門三十餘年以無子出之
 母丘儉字仲恭官刺史討司馬師兵敗遇害

何晏字平叔尚魏武女金鄉公主有材能美容貌又好色曹爽以爲尚書主選後爲司馬宣王所誅
秦宓字子勅州郡辟命皆不往諸葛亮迎爲別駕
程曉字季明昱之孫官黃門侍郎

阮德如一云名侃飾以名理風儀雅潤官太守

吳

張純字伯仁安世玄孫明習朝廷禮儀仕止大司空
張儼字子節弱冠知名仕爲大鴻臚

晉

司馬懿字仲達仕魏歷事三朝後爲太傅追諡宣

張華字茂先爲侍中與趙王倫孫秀有隙爲所害
傅玄字休奕舉秀才遷至司隸校尉

傅咸字長虞玄子剛簡有大節舉孝廉襲爵拜洗馬
棗據字道彥賈充伐吳請爲從事後徙黃門侍郎
劉伶字伯倫志氣放曠以宇宙爲狹窄官建威參軍
東皙字廣微疎廣之後本姓疎後改東性沈退不慕
榮利張華辟尚書郎趙王倫請爲記室辭疾罷歸
司馬彪字紹統少薄行爲父所責不得嗣由是專精
學習拜散騎侍郎

何劭字敬祖曾之子爲散騎常侍趙王倫篡位以爲

太宰

陸機字士衡吳大司馬抗子為成都王穎參軍遂為

穎所害

陸雲字士龍機第六歲與兄齊名拜郎中令成都王

穎表為內史以正言忤旨機敗并被禍

潘岳字安仁後人或作潘仁美姿儀舉秀才歷河陽

懷二縣令遷黃門侍郎孫秀誣與石崇為亂誅之

潘尼字正叔岳從子初應辟父老歸養後位太常卿

左思字太冲徵為祕書郎齊王囹為記室稱疾不就

張翰字季鷹齊王辟為東曹掾觀天下亂東歸

張載字孟陽為中書侍郎見世方亂遂辭疾告歸

張協字景陽載弟為黃門侍郎因託疾絕人事

夏侯湛字孝若美容儀拜散騎常侍善潘岳人謂連

璧

孫楚字子荆少負才氣多陵傲官馮翊太守

石崇字季倫有妓綠珠孫秀求不許勸趙王倫殺崇

曹攄字顏遠遷高密王司馬流人侵掠遇戰敗死

劉琨字越石仕至太尉後其子與段匹磾有隙被害

盧諶字子諒顯宗徵為散騎常侍段末波愛其才不

遣末波死依石季龍冉閔誅石氏諶隨閔軍遇害

郭璞字景純性放散不修威儀官弘農太守轉王敦

記室參軍忤敦被害人見其睡變鼉形是鼉精云

楊方字公回遷司徒參軍補太守以季老棄郡歸

葛洪字稚川號抱朴子好導養法為散騎常侍不受

以平賊功賜關內侯後求為勾漏令就丹砂

王鑿字茂高濬子拜駙馬都尉奉朝請

王羲之字逸少亦稱臨川累遷右軍將軍會稽內史

王玄之羲之長子早卒

庾友字惠彥小字玉臺歷中書郎東陽太守

王凝之字叔平羲之第二子同父爵孫恩敗被害

王肅之字幼恭羲之第四子歷驃騎諮議

王徽之字子猷羲之第五子後人或作王猷卓犖不

羈官黃門侍郎

王豐之官行參軍

謝安字安石尚弟善行書累遷太保贈太傅有鼻疾

其音濁名流愛其詠不及捉鼻為之後人稱謝傅

謝萬字萬石安弟才氣高峻歷吏部中郎刺史

孫嗣綽之子官中軍參軍

袁嶠之晉書袁嶠字彥叔未知是否

江道字道載以家貧求為太末令後遷太常

庾闡字仲初九歲能屬文累遷尚書令

袁宏字彥伯遷桓溫記室後為吏部郎

王彬之

陶潛字淵明或云淵明字元亮侃曾孫潯陽柴桑人

親老家貧起為祭酒後為彭澤令棄歸劉裕篡晉

遂不仕夏名潛謚靖節先生唐諱高祖名稱泉明

後人稱陶令

殷仲文字仲文為驃騎行參軍以桓玄姊夫帝反正

出為太守益憤怒照鏡不見其面數日禍及

謝混字叔源小字益壽安孫尚晉陵公主官尚書左

僕射以與劉毅善坐誅

吳隱之字處默官度支尚書

宗炳字少文善琴書圖畫精於言理隱居辟名不起

就惠遠考尋文義

王康琚

湛方生官內軍咨議

沈玩

馬岌高尚士聞宋纖有遠操造焉纖不見岌題石壁

趙整字文業一名正年十八為偽秦著作郎遷黃門

郎後出家事佛更名通整

惠遠本姓賈年二十一通釋道結宇廬山不復出

廬山道人

史宗不知何許人常著麻衣世號麻衣道士

帛道猷本姓馮少以篇牘著稱性素好丘壑

太虛真人

謝道韞安兄奕之女王凝之之妻遭孫恩難聞夫為

賊所害抽刃出門手殺數人自縊居家中嚴肅

劉妙容

綠珠石崇妾姓梁氏美豔工笛崇為交趾採訪使買

以真珠三斛置之金谷園中孫秀從趙王倫求之

崇不與倫怒遣人收崇綠珠自投樓下而死

桃葉王子敬之妾

謝芳姿中書令王珉之妾

宋

孝武帝劉氏名駿字休隆讀書七行俱下又善騎射

然大修宮室土木被錦繡

南平王鑠字休玄文帝第四子負才狡競每與兄弟

計度藝能元兇弒立為中軍將軍後歸世祖進侍

中尋毒殺之

何承天博通古今尤精曆數官御史中丞

顏延之字延年爲祕書監太常

謝莊字希逸七歲能屬文仕至光祿大夫二十六卒
謝靈運小字客兒晉太傅安之從孫康樂公玄之孫
襲封康樂官永嘉太守後守臨川爲有司所糾徙
封廣州要行篡取詔於廣州棄市

謝瞻字宣遠混族弟官黃門侍郎以弟晦權貴求爲
太守

謝惠連十歲能屬文辟主簿不就後爲司徒二十七
卒

鮑照字明遠官中書舍人爲臨海王子瑱掌書記前

軍參軍子瑱敗爲亂兵所殺○照他本或作昭

范曄字蔚宗爲太子詹事坐謀反誅

何長瑜爲參軍掌書記過板橋溺水死

吳邁遠作詩得稱意語輒擲地曰曹子建何足道

袁淑字陽源爲左衛率府劬行篡逆淑諫見害

湯惠休卽休上人世祖命使還俗姓湯爲揚州從事

沈慶之字弘先元兇劬弒逆奉孝武討之封刺史以

年滿七十固辭就第廢帝卽位盡言諫諍賜死

劉悛父彥節謀誅齊高帝不剋死悛亦被害

陸凱字智君謹厚好學位給事黃門侍郎

汝南王

王誕之

鮑令暉昭之妹

齊

王僧祐字胤宗善老莊不交當世至太子舍人

王融字元長官中書郎帝疾融先欲立竟陵王賜虎

謝朓字玄暉仕為尚書吏部郎宣城太守江祐等謀

立始安王遙光朓不肯遙光收朓下獄死

劉繪字士章雅麗有風則為中書郎轉大司馬從事

張融字思光初仕宋齊高帝即位累遷司徒

孔稚珪字德璋舉秀才法曹參軍遷太子詹事

陸厥字韓卿父被誅坐繫尋有赦恨父不及感慟卒

願則心

釋寶月竊柴廓行路難一篇刻為己作廓子大忿賣

手本欲訟寶月厚賂得免

梁

武帝蕭氏名衍字叔達兒時能蹈空而行

昭明太子名統字德旋武帝長子生而聰慧讀書數

行俱下五歲通論語孝經三十二卒

簡文帝綱字世纘武帝第三子六歲能屬文讀書十

詩

六

行俱下後侯景制命期年遇弒

元帝繹字世誠武帝第七子誅侯景爲梁王譽所害
邵陵王綸武帝第六子長尺牘爲刺史討侯景敗死
沈約字休文孤貧好學瘦細官僕射建昌侯謚隱
江淹字文通六歲能屬詩夢還五色筆才思稍減
范雲字彥龍仕齊爲刺史與梁武善齊平遷吏部尚
書書牘盈案賓客滿門雲應答如流無所壅滯

徐悝字敬業勉之弟有學業最知名

丘遲字希範八歲能屬文爲司徒從事中郎

王巾字簡栖爲郢州從事征南記室

任昉字彥昇四歲誦詩數十篇孝義廉潔官新安太

守四子俱不學墜其家聲流離不振

王僧孺七歲能讀十萬言家貧傭書養母寫畢卽諷
誦遷尚書左部郎蘭陵太守

柳惲字文暢善尺牘謁梁武歷吳興太守政清淨

庾肩吾字子慎八歲能賦詩爲度支尚書侯景矯詔
遣喻當陽公乃逃赴江陵歷刺史太守

吳均字叔庠柳惲辟爲郡主簿日與賦詩士多效之
號吳均體

何遜字仲言承天曾孫八歲能賦詩爲參軍書記兼

尚書水部郎

蕭子顯字景暢七歲封寧都縣侯官吏部尚書
蕭瑱字文容仕為庶子

王筠字元禮一字德柔清淨好學累遷中書舍人

劉孝綽字孝綽本名冉七歲能屬文官吏部郎負才
陵忽前後五免每作一篇好事咸誦流聞河朔亭
院柱壁莫不題之

劉孝威字孝威氣調爽逸遷太子中庶子通事舍人
劉邈為侯景所得景攻臺城不克勸景乞和全師
陶弘景字通明齊高帝引為侍讀辭祿隱居茅山梁

武屢加禮聘不出每有大事詢之人謂山中宰相
諡貞白先生

曹景宗字子震仕齊為太守後從梁武拜侍中
徐防號高齋學士

孔熹經術弘長志履貞槩官刑獄參軍

劉緩清虛遠有氣調風流跌宕

陸倕字佐公官至太常卿

殷芸字灌蔬累遷散騎常侍

何敬容字國禮尚齊武帝女入梁遷尚書令

虞騫官王國侍郎

王洪為建陽令坐事死

沈旋字士規約之子官黃門侍郎以清治稱

費昶善為樂府

鮑泉字潤岳為郢州長史侯景襲之城陷被害

紀少瑜字幼瑒為記室參軍

王臺卿官刑獄參軍

朱超道或云朱超或云朱越疑是一人

沈君攸

包明月

衛敬瑜妻王整之妹有貞節人題其門曰貞義衛婦

之閭

陳

後主陳氏名叔寶字元秀荒于酒色兵敗入隋見宥

陰鏗字子堅五歲能誦詩賦日千言仕梁入陳歷散

騎常侍

徐陵字孝穆仕梁為散騎常侍入陳歷侍中

沈炯字初明約之後仕梁侯景亂逼令掌書記後被

虜於魏以母在東求歸陳為御史中丞

周弘讓仕不得志晚仕侯景獲譏於世入陳領太常

卿

張正見字見蹟仕梁後陳武受禪累遷散騎侍郎

江惣字惣持仕梁官尚書事陳後主不持政務日與

隨宴後庭陳亡入隋拜上開府

徐伯陽字隱忍仕梁入陳為記室參軍

祖孫登為記室

蕭詮官黃門郎

徐德言尚樂昌公主官太子舍人

樂昌公主後主叔寶之妹

陽縉

賀力拔

伏知道

江暉

賈馮吉

許倪

釋洪偃俗姓謝氏梁太宗欲令還俗引為學士不從

北魏

溫子昇字鵬舉官侍中齊文襄疑知亂謀下獄死

王容

胡后即宣武靈皇后司徒國珍女明帝尊為皇太后

北齊

魏收字伯起小字佛助有才無行輕薄尤甚人號驚
蛺蝶初仕魏後仕北齊除尚書右僕射

祖珽字孝徵齊後主時佞于陸媪拜尚書左僕射
劉逖字子長遷散騎常侍未幾與崔季舒同戮

蕭愨字仁祖梁宗室為錄事參軍後入隋

馮淑妃字小憐後主大穆后從婢穆后進之立為左
皇后周師入與後主奔為周所獲以賜代王甚嬖
斛律金朔州人性敦直善騎射以功封咸陽郡王

北周

宗懔字元懔累遷吏部尚書及江陵平碑儀同三司

王褒字子深儉之曾孫仕梁歷尚書荊州破遷司空
釋亾名俗姓宋氏弱齡遁世梁元帝禮待之梁亾遠
客岷蜀齊王勒歸周帝將徵拔之雅亮卓然曾無
易節

庾信字子山小字蘭成黔婁孫與父肩吾及徐摛摛
子陵並為梁簡文帝抄選學士詩文綺豔世號徐
庾體官衛將軍陳代梁仕周累遷開府儀同三司

隋

文帝楊氏名堅仕周封隋國公女為宣帝后後滅周
煬帝名廣文皇第二子為晉王以陰謀廢奪太子勇

又弒立後為字文化及所弒

王通字仲淹獻策不用累徵不起講道河汾門人謚曰文中子

楊素字處道仕周入隋官右僕射廣之弒素之謀也
盧思道字子行解褐齊朝仕周武入隋為散騎侍郎
薛道衡字玄卿仕齊周入隋遷儀同三司煬帝時上
文皇頌覽之不悅以論時政見害

魏澹字彥深歷仕齊周入隋為散騎侍郎

辛德源字孝基仕齊周隋初官不調後轉咨議參軍
柳詵字顧言嗜酒俳諧仕梁入隋為諮議參軍

尹式少有令聞為漢王記室漢王敗式自殺

孔德紹官縣丞竇建德稱王署中書令建德敗伏誅

孔紹安為監察御史入唐拜內史舍人

陳子良在隋未有考入唐拜太子學士

王衡位黃門侍郎

王由禮為王公郎

劉夢子

陸季覽

侯夫人煬帝宮女

大義公主後周宇文氏之女為突厥沙鉢略妻初名

千金公主後鉢略附隋賜姓楊氏改封大義公主

李月素

蘇蟬翼

張碧蘭

唐

太宗皇帝李氏諱世民高祖第二子年十八啓唐封
虞世南字伯施受學顧野王隋煬帝愛其才然止七
品十年不徙仕唐爲弘文館學士

魏徵字玄成初爲太子洗馬後事太宗封鄭國公

王績字無功隋王通之弟舉孝廉授正字號東臯子

時稱斗酒學士人謂醉失職託無心子以見趣

王宏幼與太宗同學及帝御極訪宏鄉人竟傳隱去

武后名嬰荊州都督士護之女太宗召入後宮爲才

人太宗崩武氏爲尼高宗納之拜爲昭儀後立爲

后廢中宗改國號周稱則天后

王勃字子安六歲善文辭未冠署沛王府修撰後省

父福時交阯溺海死年二十九

楊炯舉神童遷盈川令

盧照鄰字昇之號幽憂子調典籤與王勃楊炯駱賓

王齊名號四傑以疾設親屬沉穎水死

駱賓王七歲能賦詩武后時數言事下除臨海尉快
快棄官去徐敬業署府屬徐敗不知所之

劉庭芝字希夷善閨帷之作又善琵琶好酒色落魄
不拘常俗宋之問其舅也愛希夷落花二句懇乞
不許以土袋壓殺之

蘇味道九歲能屬辭以同三品坐張易之黨貶刺史
李嶠字巨山幼夢得雙筆進文辭以中書令貶別駕
有所屬綴人多傳諷沒而為文章宿老學者法焉
韋承慶字延休性謹畏事繼母篤孝同三品坐張易
之黨流嶺表歲餘拜刺史遷黃門侍郎未拜卒行

武后召欲詰與語奇之遂擢中書門下

李適字子至官工部侍郎

薛稷字嗣通道衡曾孫魏徵之甥善書畫官黃門侍
郎加少保預寶懷貞謀賜死

鄭愔為侍御史諂事二張掌銓衡贓賄狼藉貶司馬
崔湜字澄源附武三思遷兵部侍郎後賜死

吳少微與富嘉謨魏谷倚並負文詞時稱北京三傑
與嘉謨本經術雅量人爭慕之號吳富體

中宗皇帝諱哲高宗之子武氏廢為廬陵王後復位
盧僊自間喜尉入為學士終吏部員外郎

趙彥昭字奐然少豪邁風骨秀爽同平章事刑部尚書以權幸進姚崇惡其為人貶江州別駕卒

劉憲字元度太僕少卿玄宗在東宮憲數進言順納章元旦遷御史與張易之有姻屬張敗貶感義尉俄名遷中書舍人

邢象玉

馬懷素字惟臣昭文館學士

閻朝隱字友倩性滑稽為祕書少監後貶別駕卒武平一名甄以字行武后時與禍不與事隱嵩山修浮屠屢詔不應中宗迫召起居舍人嘗因詩頌規

戒玄宗貶蘇州徙金壇令既謫名亦不衰

蘇頲字廷碩幼敏悟一覽至千言官工部侍郎襲封許國公以文章顯與張說齊名時號燕許大手筆張說字道濟官左丞相封燕國公帝令致仕姚崇字元之少儻尚氣節長好學同中書門下三

品封梁國公

賀知章字季真官祕書監故稱賀監遷禮部侍郎晚節誕放自號四明狂客請為道士勅賜鏡湖二頃賈曾至之父官中書舍人諫議大夫禮部侍郎蘇晉數歲屬文作八卦論為中書舍人屢進讜言喜

浮屠術精通奧義

沈祖仙

符子珪

梁獻

袁暉詩見皎然詩式

徐安貞初名楚璧一歲三登甲科為中書侍郎集賢

院學士與李林甫同事後避罪衡山李邕載歸

張九齡字子壽曲江人七歲屬文官中書侍郎以母

哀奪喪拜相諤諤有臣節以直道黜不戚戚嬰望

惟文史自娛

孫逖屬思警敏年十五崔日用與定交官中書舍人

韋述家廚書二千卷兒時誦憶略遍為直學士四十

年澹榮利祿山反抱國史藏南山身陷賊偽官賊

平流渝州

萬齊融為崑山令與于休烈包融等齊名

張諤進士陳王掾貶山荏丞

邵昇

庾光先

玄宗皇帝諱隆基由臨淄入為平王再清內難祿山

亂幸蜀後以上皇還京

王灣初爲榮昌主簿後爲洛陽尉

孟浩然襄陽人名浩以字行好節義振人患難隱鹿門山年四十遊京師失意玄宗因放還疽發背卒蔡希寂爲渭南尉一云官至金部郎中

李白字太白生蜀青蓮鄉母夢長庚星而生因名十歲通詩書擊劍任俠賀知章見其文歎曰子謫仙人以供奉翰林失意貴妃求還廬山永王璘稱兵江淮辟從事璘敗坐流夜郎尋釋有草堂集

崔宗之名成輔以字行好學有風檢官侍御史後謫金陵

吳筠字貞節玄宗待詔翰林知天下將亂求還嵩山

楊貴妃玄琰之女國忠之再從妹也入宮號太真

梅妃明皇侍女江采蘋性喜梅故名梅妃

李頎調新鄉縣尉

萬楚開元進士

崔顥才俊無行好菹飲娶妻擇美者不愜卽去之者

三四終司勳員外郎

陶翰爲禮部員外郎

祖詠張說引爲駕部員外郎

劉昫虛爲江夏縣令

崔署進士

崔國輔累遷集賢直學士後坐王鉷近親貶司馬

綦母潛字季通官右拾遺

盧象字緯卿爲左拾遺受祿山僞官貶司戶起爲主

客員外郎

李嶷

王誼

閻防謫官長沙司戶

王維字摩詰九歲屬辭事母孝母喪柴毀骨立仕至

右丞寧薛諸王待若師友祿山陷京師維爲賊所

得吞藥佯瘖賊平特原之與弟縉奉佛蔬食長齋

妻亾不再娶三十年工草隸善畫苦吟至入醋甕

愛孟浩然吟哦風度繪畫以玩之

李愷通左氏畱守東京祿山陷城被殺詔贈司徒

儲光羲爲監察御史坐祿山僞官貶死

王昌齡字少伯江寧人補祕書郎晚節不矜細行貶

龍標尉往返惟琴書一肩爲刺史閻丘曉所殺

閻丘曉官刺史

沈如筠官至橫陽主簿

丁仙芝舉進士官餘杭尉與陶翰張潮皆有詩名

詩宗

一閻集

殷遙終忠王府倉曹參軍

王之渙

裴迪官尚書省郎後為蜀州刺史

慕容承

丘為事繼母孝靈芝常生堂下官右庶子九十六卒
賈至字幼鄰從幸蜀歷中書舍人右散騎常侍

高適字達夫一字仲武遷侍御史蜀彭二州刺史西
川節度使左散騎常侍五十始為詩即工

岑參文本之後遷侍御史後守嘉州刺史每一篇絕
筆人人傳寫雖戎狄蠻貊無不吟習退居杜陵卒

梁德裕四門助教

杜甫字子美審言之孫居杜陵故稱少陵不第拜右
拾遺坐房瑄事出為華州司功屬飢亂棄官客秦
州負薪採橡栗自給流落劔南嚴武表為檢校工
部員外郎數嘗遭寇亂挺節無所污為歌詩傷時
情不忘君人憐其忠世號詩史香山云貫穿古今
盡工盡善殆過李白唐庚云三百五篇之後復有
杜子美詩當學子美

嚴武字季膺擢成都尹劔南節度使最厚杜甫

張謂字正言為禮部侍郎

郭受字曾官衡州判官

王季友家貧賣履博極羣書李勉引為賓客甚敬之
常建為盱眙尉

元結字次山少不羈十七折節向學授著作郎拜道
州刺史民樂其教立石頌德稱猗玗子漫郎贅叟
張均說之子自郎中襲封祿山授偽官以說有舊勳
詔免罪流合浦

王縉字夏卿維弟喜奉佛官同平章事坐與元載專
朝論死上憫其老貶括州

李華字遐叔為監察御史祿山反欲輦母以逃為盜

所得華自傷不能完節不能全母後名補闕不拜

沈千運

趙微剛工書

張潮

張軫

元季川一名融結之弟

陶峴居崑山自謂麋鹿野人放遊山水不謀宦達

獨孤及字至之歷常州刺史性孝友甘露降其庭卒

鮑防字子慎節度河東大治詔圖形授工部尚書

張志和字子同待詔翰林坐貶不復仕居江湖自稱

詩集

詩集

煙波釣徒亦號玄真子時比嚴光善圖畫山水

劉長卿字文房官觀察使後為人誣貶隨州刺史卒

權德輿嘗謂爲五言長城

韋應物性高潔所在焚香掃地坐左司郎中歷蘇州
秦系字公緒爲參軍不就隱居年八十餘不知所終

張肅遠

皇甫冉字茂政玄晏先生謚後十歲屬文終左補闕

皇甫曾字孝常冉之弟爲侍御史貶陽翟令

錢起字仲文官祕書郎終考功郎中

郎士元字君胄官刺史時出牧奉使無錢郎詩爲恥

苗發官都官員外與吉中孚盧綸韓翃錢起司空曙

耿漳崔峒夏侯審李端稱大曆十才子時列圖畫

韓翃字君平十年不仕後李勉辟之終中書舍人

朱放字長通隱越之剡溪名拾遺不就

劉方平不仕蕭穎士稱山東茂異

包何字幼嗣融之子爲起居舍人

包信字幼正官諫議大夫封丹陽郡公與兄何齊名

李嘉祐字從一嘗爲中臺郎刺台州袁州

竇叔向字遺直左拾遺諸子常牟羣庠鞏皆有詩名

陳閩郵城縣令

盧綸字允言舉進士不第元載遷監察御史稱疾去
憲宗訪集遺文文宗尤愛其詩悉索家笥

李端嘉祐之姪仕至杭州司馬

司空曙字文明官水部郎中

耿漳終右拾遺

崔峒終州刺史或云終右補闕

嚴維字文正終校書郎

令狐岷祿山亂隱居後為禮部侍郎忤楊炎貶別駕

余延壽

章八元調句容主簿

張繼字懿孫檢校戶部員外郎

顧况字通翁性談諧官著作郎坐詩語調謔貶司戶

衛象字長林官侍御

長孫翺

戎昱刺二州京兆尹李鑾欲以女妻之令改姓昱辭

杜誦

丘丹官員外郎觀察使

張南史字季真以試參軍避亂居揚州再召未赴卒

張象父

衛葉

李益字君虞長吉族從有心疾不見用後歷遷禮部尚書每一篇成樂工爭以賂求被絃歌供奉天子

于鵠隱居漢陽應薦歷諸府從事

暢當終果州刺史

姚倫

于良史官侍御

劉商字子夏工畫山水官禮部郎中

柳談字仲庸

朱灣字巨川號滄洲子為府從事率履貞素放情江湖郡國交徵潛耀不起有唐高人也詠物尤工

長孫佐輔官刺史

戴叔倫字幼公師蕭穎士官撫州刺史遷經略使

楊衡字仲師大理評事

權德輿字載之四歲賦詩七歲父喪聞孝同平章事

武元衡字伯蒼丞相封臨海郡公早朝盜暗中射殺

在西川從事楊嗣復狂酒以酒沐公公終不散宴

羊士諤拜監察御史性傾險坐誣論宰執出刺史

崔護字殷功

張仲素字繪之翰林學士

雍裕之成都詩人

竇常字中行一作文行水部員外郎

竇牟字貽周國子司業

竇庠字胃卿舉進士權岳州刺史

竇鞏字友封言若不出口世號囁嚅翁官御史中丞

令狐楚字殼士五歲能文自號白雲孺子官平章事

拜山南節度使夕有大星隕寢上坐與家人設終

劉禹錫字夢得爲監察御史王叔文得幸劉與之交

叔文敗貶朗州司馬復遷太子賓客樂天推詩豪

熊孺登

柳宗元字子厚河東人擢禮部員外郎王叔文與計

事叔文敗坐貶永州司戶徙柳州刺史十四年卒

韓愈字退之七歲讀書日記數千言以御史論事貶

陽山令後上佛骨表貶潮州刺史量移袁州轉吏

部侍郎諡曰文追封昌黎伯

李約字存博號蕭齋汧公勉之子官兵部員外郎

楊巨源字景山河中少尹年老搖頭人言詠詩所致

李涉字清溪自號浴溪子官大學博士

孟郊字東野性耿介五十爲溧陽尉諡貞曜先生

呂溫字和叔又字化光從陸贄治春秋性好利竇羣

薦知雜事李吉甫持之溫奏吉甫陰事貶刺史

陳羽歷官樂宮尉佐

張籍字文昌取杜甫詩一快焚取灰燼副以膏蜜頓飲之曰令吾肝腸從此改易官國子司業

王建字仲初歷侍御史出爲陝州司馬官辭誦人口白居易字樂天九歲暗識聲律人爭傳其詩雞林賈售其國相篇易百金以刑部尚書致仕晚節甚惑浮屠自稱香山居士又號醉吟先生卒宣宗以詩弔有曰童子每吟長恨曲胡兒能唱琵琶篇元稹字微之尚書右丞官中號元才子

李賀字長吉鄭王之後七歲能屬文爲人纖瘦通眉

長指爪能疾書爲協律郎二十七卒

盧仝號玉川子累舉不第宿王涯第遂與甘露之禍王涯字廣津官平章事年過七十貪利固位竟覆宗裴度字中立爲宰相歷事四朝全德始終以平蔡功封晉國公於洛陽午橋南起綠野堂七十六薨

李德裕字文饒贊皇人同平章事拜太尉封衛國公貶朱崖有詩置平泉莊遠方異物多至

李紳字公垂官平章事與李德裕元稹號三俊爲人短小號短李用法嚴峻多不近情至有宗叔翻爲子孫故人忽作流囚之譏

殷堯藩進士從李翱幕府後爲永樂令

顧非熊况之子爲盱眙尉棄官隱茅山

張祐字承吉小名冬瓜刻本祐誤作祐苦吟時妻孥
喚不應責祐曰吾方口吻生花豈恤汝輩後受
辟知南海自劾去

朱慶餘一作朱慶名可久以字行又字慶緒官不達

施肩吾字希聖隱洪州西山進士

徐凝官至金部侍郎

王初進士及第

賈島字浪仙連敗文場遂爲浮屠名無本韓愈教去

浮屠後宣宗賜御札爲長江主簿常歲除取一年
所得詩祭以酒曰勞吾精神以是補之

姚合崇之曾孫官少監杭州刺史初爲武功尉

裴交泰

費冠卿字子軍舉孝廉名拜右拾遺不赴

周賀字南卿少年爲僧號清寒姚合愛其詩加冠巾

蘇廣文

顏萱

李商隱字義山勣之後檢校吏部員外郎號玉溪詩
到李謂文章一厄以其僻澀時稱西崑體

杜牧字牧之佑之孫官中書舍人剛直有奇節五十

初夢不祥自為墓誌悉取所為文章焚之其甥裴

延翰輯樊川集人號小杜又稱杜紫微

許渾字用晦辟監察御史歷二州刺史有丁卯集

李遠字承古歷三州刺史終御史中丞

雍陶字國鈞上第後稍薄親黨至折挫投贄終刺史

曹唐字堯賓為道士後舉進士累為從事因暴疾卒

吉師老

劉得仁苦於詩出入舉場三十年卒無成咸通間宰

臣張文蔚奏名儒不遇者十餘人請賜一官以慰

地下得仁其一

姚鵠字居雲進士

馬戴字虞臣以正言斥貶龍陽尉

薛逢字陶臣歷侍御史巴州刺史遷祕書監

趙嘏字承祐仕至渭南尉杜紫微目為趙倚樓

薛能字大拙為京兆尹徙徐州節度使為賊所殺

孟遲字升之及第

項斯字子遷楊敬之苦愛贈詩明年上第卒縣尉

陳陶字嵩伯自稱三代布衣好遊學善天文隱西山

操行清潔不采聲妓

楊敬之官祭酒

段成式字柯古文昌之子博學強記終太常少卿

劉威

溫庭筠或作庭雲舊名岐字飛卿彥博孫終國子助教工於詩入試押官韻八叉手而八韻成時號溫八吟恃才薄行見惡令狐綯謫尉死

王周登進士曾官巴蜀後入宋

李頻字德新姚合妻以女刺建州卒父老立廟歲祠于武陵或云卽于鄴

韓琮字成封官湖南觀察使

李羣玉字文山詣闕上表以處士除校書郎好吹笙

李郢字楚望拜侍御史

司馬禮工詩時稱爲先輩

劉駕字司南國子博士

杜荀鶴字彥之累舉不第後遷主客員外郎自號九華仙人或云牧之妾有娠出嫁卿士杜筠生荀鶴

呂巖字洞賓一名巖客兩調縣令值巢賊亂攜家歸

終南遇鍾離權得道莫測所往

儲嗣宗進士及第

曹鄴字鄴之官洋州刺史

崔珏字夢之進士賦鴛鴦得名時號崔鴛鴦

劉滄字蘊靈遷龍門令

武瓘為益陽令

陸龜蒙字魯望不第性嗜茶不喜俗交舟載茶竈筆

牀往來號天隨子甫里先生以高士召不至卒

皮日休字襲美一字逸少自號間氣布衣或曰醉民

授太常博士後受黃巢僞官以著讖不稱意被殺

聶夷中字坦之為華陰尉

于濆字子漪進士

方干字雄飛免餒號餒脣先生有司以故不與科名

隱鑑湖號方處士謁人三拜人稱方三拜謚玄英

楮載字厚之

姚揆

李山甫累舉不第後流落為河朔從事

李咸用不第應辟為推官

李昌符字巖夢歷尚書郎

周繇字為憲進士賦明皇夢鍾馗詩得名調本州令

許棠字文化進士

來鵬舉進士不中客死維揚

胡曾進士不第為從事有詠史詩一卷

張喬中進士黃巢亂遂隱九華山

周朴隱不仕黃巢求得朴曰不仕天子焉從賊巢斬唐彥謙字茂業歷刺史陶穀之祖穀避晉祖諱改陶李中

高駢字千里崇文孫好仙驕傲平章事誤任人伏誅宋邕

司空圖字表聖拜兵部侍郎還居中條山王官谷不出號三休亭自目爲耐辱居士豫爲冢棺遇勝日引客坐壙中賦詩酌酒聞哀帝遇弒不食死

羅隱字昭諫十舉進士不第隱居梁祖召諫議不行

羅鄴與兄隱虬齊名世稱三羅進士不第

崔魯進士

崔塗字禮仙進士

章孝標字子碣試大理評事

章碣孝標之子進士不第竟流落不知所終

鄭谷字若愚都官郎中以鷓鴣詩得名人號鄭鷓鴣曹松字夢徵登第同榜皆七十餘號五老榜校書郎路德延屢舉不第後授拾遺節度使

兵融字子華歷翰林承旨少選作詔十許蒙帝厚賞韓偓字致堯一字致光小字冬郎性忠鯁兵部侍郎

李洞不第慕賈島爲詩銅鑄其像事之如神

崔道融官永嘉令

荆叔

金昌緒見鍾惺唐詩歸

王駕字大用官禮部員外郎自稱守素先生

韋莊字端己疎曠不拘小節爲校書郎後爲蜀王相

吳商皓

劉兼官榮州刺史

張嬪字象文遊蜀徐后見題寺壁令進詩爲知制誥

王貞白字存道進士內試札翰狼藉帝曰麤通放

裴說終禮部員外郎

任翻或作任蕃

薛瑩字道言官太子太傅涉學既博文章尤妙

江爲求舉屢黜仕南唐後以讒死

張泌仕南唐爲內史舍人

滕白工部郎中

李建勳仕南唐爲丞相累表致仕自稱鍾山公

秦韜玉字中明事大閩田令孜未期擢工部侍郎

孫光憲號葆光子官黃州刺史

李九齡

李九齡

李九齡

四二

沈彬

梁德裕

張又新

鄭雲叟

李質

楊發字至之官蘇州刺史以恭長慈幼為先

郭良

顧在鎔

鄭巢

孫魴

景池

張鴻

盧弼以員外郎從昭宗後依李克用表為節度副使

趙象

譚用之

陳標

袁不約

伍喬

李後主

胡宿或云宋人字武平官樞密使諡文恭

胡生名釘鉸

君山父老

太上隱者莫知本末好事者問其姓名不答畱一詩
山中客

釋皎然姓謝字清晝靈運十世孫志行高潔

釋靈一持律甚嚴以清高爲世所推

釋護國

釋靈徹姓湯氏字澄源緇流疾之造飛語罪貶後赦

釋法振

釋廣宣蜀僧詔許居紅樓院以詩供奉

釋無可

釋貫休俗姓姜氏字德遠入蜀謁孟知祥禮待甚厚

釋處默越僧

釋齊己俗姓胡氏疾世之以財殺身托撲滿子示戒

釋理瑩

釋懷浦

釋隱巒

釋可止

釋澹交

釋子蘭

元淳女冠

上官昭容名婉兒中宗使掌制命由捷仔陞昭容

韓氏宣宗宮人

花蕊夫人姓費氏以才貌入蜀宮事孟昶後事宋祖

竇梁竇盧東表侍兒也

關盼盼張建封節制徐州納於燕子樓張死不他適

劉采春越州妓也元稹廉問有詩

崔鶯鶯隨母鄭氏寓寺與張生者唱詞

鮑君微

姚月華嘗夢月墜妝臺覺而大悟聰慧過人

劉媛或作劉媛

劉瑤一作瑤或作裴瑤

湘驛女子

薛濤字洪度蜀妓號為女校書為連帥怒作十離詩

宋

李昉字明遠舉漢進士官丞相謚文正公

楊徽之字仲猷中進士太宗索詩百篇進御以十聯

寫御屏為判官侍讀享年八十

楊億字大年以神童召試官翰林學士贈文公

楊朴字契玄東里人太宗真宗以布衣召舜官而歸

王操字正美處士太宗授官仕至殿中丞

趙湘字叔靈抃之祖也宋祁序其集歐公跋亦稱之
王禹偁字元之九歲能文官翰林坐實錄直書出知

黃州徙蘄州卒有小畜集

寇準字平仲官丞相封萊國公

李虛己字公受官工部侍郎

魏野字仲先客東郊土室方丈真宗祀汾陰遣使召
之題詩壁上遁去使還以詩奏上曰野不來矣

錢惟演字希聖少富貴能志學與楊億劉筠齊名官
平章事謚忠公文僖

潘閻號逍遙爲滁州參軍

錢昭度

徐鉉字鼎臣仕南唐爲太宰歸宋拜學士稱徐騎省
詹中正號白雲

劉禹謨字昌言仕至同知樞密

杜衍字世昌官丞相以少師致仕封祁國公

鄭獬字毅夫德宗皇帝祝曰願得忠孝狀元得獬

蘇舜欽字子美大理評事爲湖州長史卒有滄浪集
張詠字復之禮部尚書少得劍術無敵善奕碁精射

法飲酒數斗不亂自號乖崖子

趙抃字閱道爲侍御史號鐵面御史官參政諡清獻
梅堯臣字聖俞少以能詩名天下求者踵至官尚書
王禹玉字和甫官內翰

余靖字安道官工部尚書諡襄公

韓琦字稚圭杜衍女壻官侍中歷魏公輔三朝

楊蟠字公濟

歐陽修字永叔廬陵人母憂起復官參政以少師致
仕自號醉翁更號六一居士諡文忠

林逋字君復力學不仕結廬西湖之孤山二十年足
不及城市眞宗賜粟帛歲時勞問賜諡和靖先生

不娶無子所居多植梅畜鶴因謂梅妻鶴子云

晏殊字同叔以神童名試官尚書諡元獻

曹汝弼字夢得以處士與种放魏野林逋相往來
魯交有三江集

范仲淹字希文位至參政諡文正公

石介字守道官直講作詩分別邪正爲人所擠及卒
怒之者謂詐死北走契丹請剖棺驗之不許魯人
謂之徂徠先生

孔文仲爲蘇氏攻毀程子晚懷恨歐血而死

孔平仲字毅父文仲之弟爲戶部金部郎中

宋郊字伯庠後改名庠字公序官宰相諡元憲

宋祁字子京郊弟官翰林學士諡景文

韓維字持國受蔭入官父沒不仕後拜門下侍郎坐

元祐黨安置均州卒追復官

晁端友字君成无咎之父仕至新城令

張公庠字元善有洄州集

陶邠字商翁軍功補官兩知邕州

王安石字介甫臨川人號半山位丞相封荆公舒王

王安國字平甫安石之弟耿介非兄新法官大理丞

蘇洵字明允除校書郎號老泉東坡父眉山人

陳亞

周敦頤字茂叔元名敦實官虞部員外郎號濂溪

程顥字伯淳宗正寺丞文潞公題其墓曰明道先生

邵雍字堯夫不仕漢易理贈著作郎諡康節

司馬光字君實涑水人位至丞相贈太師封溫國公

劉敞字貢父博學有俊才然滑稽喜詭玩

蘇軾字子瞻一字和仲洵長子以為詩謗訕謫黃州

築室自號東坡居士召拜學士禮部尚書安置惠

州貶瓊州儋耳後復朝奉郎卒于常州

蘇轍字子由軾弟拜尚書侍郎再被謫致仕號穎濱

陳襄字述古官樞密直學一疏薦賢士大夫三十餘
俞汝尚字退翁以御史召力辭不允後竟歸

王令字逢原王安石見之妻以夫人女弟不第卒

陳師道字履常一字無已號後山受業南豐除正字
文同字與可初以文贄文潞公公譽重進士知湖州

卒自謂有四絕詩楚辭草書畫與東坡為中表

米黻自云黻即芾亦作芾字元章號襄陽人稱米顛
官員外郎出知淮陽軍卒

曾鞏字子固十二能文平生嗜書家藏至二萬卷又
集古今篆刻為金石錄五百卷官舍人號南豐

黃庭堅字魯直官太史黔州安置名還編管宜州卒

自號山谷老人晚年懸東坡畫像每朝肅拜

胡寅字明仲文定公長子直學士致仕號致堂

孝宗皇帝諱璋太祖七世孫高宗立為太子

張耒字文潛號柯山人稱宛邱先生幼穎異擢起居
舍人坐黨籍徙謫名為少卿安置于黃五年

賀鑄字方回

洪朋

任伯雨字德翁官御史坐論蔡辨等謫儋耳

鄧忠臣字謹忠

詩集

一

晁冲之字叔用初字用道豪華自放挾輕肥狎官妓
與羣從入黨籍謫還居具茨山下廷議欲用絕不
顧疾篤取平生所著是不足成吾名悉焚之

韓駒字子蒼直學士坐鄉黨曲學卒於撫州

晁補之字无咎端友之子官祕閣校理有雞肋集

秦觀字少游一字太虛舉賢良方正除正字

陳造字唐卿授朝散郎

呂本中初名大中字居仁官紫薇舍人

曾幾字吉甫號茶山謚文清學山谷詩門人放翁也

鄭剛中字亨仲號北山簡齋嘗同窓

謝逸字無逸有咏蝶詩三百首時稱謝蝴蝶

陳與義字去非號簡齋累官翰林至參知政事

周華字尹潛簡齋亦欽畏之

姜光彥字仲謙號松菴

黃公度字師憲忤秦檜五得正字被論後為員外郎

李觀字泰伯大學說書

王炎字晦叔著作佐郎出守湖州

唐庚字子西十四能詩文十七見知東坡承議郎號

魯國先生為張天覺丞相牽連謫居惠州

孫觀字仲益五歲東坡器之官太守後歸隱太湖二

十餘年年九十餘卒

張元幹字仲宗太學上舍歷官至大監

葉夢得字少蘊官尚書左丞資政殿學士

范浚字茂明以秦檜當國抗節不起隱於香溪

劉子翬字彥冲勳補承議郎以父死靖康難隱屏山

朱松字喬年號韋齋司勳吏部郎朱子其嗣

程俱字致道中書舍人

周必大字子充一字洪道官丞相致仕韓侂胄禁偽

學指爲罪首

芮燁字國器一字仲蒙官御史東萊再娶乃其女也

呂祖謙字伯恭以祖致仕恩補遷著作郎號東萊

劉過字改之韓侂胄欲官之使金國漏言卒窮死

李綱字伯紀官尚書右僕射

朱熹字元晦一字仲晦號晦菴或稱考亭或稱紫陽

歷事四朝仕至轉運副使崇政殿說書致仕贈太

師信國公改封徽國諡文公

范成大字致能參知政事大學士居石湖宸翰扁之

鞏仲至號栗齋上舍學於東萊

陸游字務觀十二能詩蔭補登仕五爲州別駕陞寶

章閣待制致仕封渭南伯卒年八十五自號放翁

署其藁曰劔南世稱小太白

趙子覺字彥先號雪齋放翁幕中人

陳傳良字君舉號止齋除官爲佻胄罷去復授待制
楊萬里字廷秀名其室曰誠齋光宗親書二字賜之
名爲祕書監

蕭海藻字東夫號千岩誠齋同官

薛季宣字士龍年十七從荆南帥辟後召爲大理正
林光朝字謙之中書舍人集英殿修撰
葉適字正則號水心官寶文閣學士拔四靈爲二與
尤袤字延之號遂初

趙藩字昌父號章泉官太常少卿

陳埴字伯和

滕元秀

韓琥字仲止號澗泉尤有高節呂伯恭其妹壻

魏了翁號鶴山

潘檉字德久號轉菴四靈之徒言詩者皆本德久
葛天民先爲僧名義銛字朴翁以事還俗號無懷
曾極字景運號雲巢

樓鑰字大防自號攻媿吏部尚書進大學士

趙師秀字紫芝號靈秀四靈之中獨登科官亦不顯

翁卷字續古一字靈舒蓋四靈同卷字靈舒故亦以

道暉為靈暉文淵為靈淵紫芝為靈秀云

徐照字道暉號靈暉詩曰山民集

徐璣字文淵一字致中歷官建安主簿武當長

劉克莊字潛夫後村其號以廕入仕累遷運判修撰

王廷珪字民瞻號盧溪胡銓論奏檜出謫以詩送行

坐流夜郎檜虎還除國子監主簿九十三年卒

劉宰字平國進士以倉司幹官告歸隱居三十年卒

戴復古字式之居石屏山因自號早年不甚讀書中

年以詩遊諸公間頗有聲壽八十餘時詩人多為

謁客者求尺書千錢物石屏獨口不談世事

宋自遜字謙父父子兄皆能詩謙父名頗著謁賈似

道賄獲二十萬楮以造華屋

戴昺字景剛號東塾石屏從孫登第調法曹參軍

方岳字巨山累遷吏部侍郎號秋崖以劾賈似道兩

調邵武軍坎壈終身

李龔字和父號雲林

謝翱字臯羽號晞髮子以布衣為文丞相諮議參軍

天祥卒亡匿所至設天祥主拜哭後以肺疾死

文天祥生時夢紫雲故名雲孫天祥其字後以字貢

言宗 一 陸集
遂改字宋瑞又字履善號文山官右丞相封信國
公元兵執天祥服腦子不死囚燕四年不屈遇害
王曼之

許月卿字太空小名千里駒號駒父後字宋士號先
天進士及第訟權相理宗旨為狂士江西提舉
林景熙字德陽從政即宋亡不仕詩曰白石樵唱
真山民不知何許人但自號山民云李生喬以為不
媿迺祖西山以是知其姓真矣痛值亂亡深自湮
沒世無稱焉張伯子謂宋末一陶元亮
汪元量字大有號水雲宋亡隨三宮留燕後為黃冠

梁棟字隆吉調縣尉宋亡歸武林

何夢桂字巖叟初名應祈字甲甫仕至大理寺大卿
至元累徵不起

釋字昭九僧之八

釋道潛號參寥子為蘇眉山門客唱和往還

釋惠洪字覺範姓彭得罪配朱崖又坐繫獄後還俗
釋祕演即石曼卿全交歐公為詩集序

釋希晝九僧之一

釋行肇九僧之四

釋惠崇九僧之七

釋元肇

釋簡長九僧之五

釋惟鳳九僧之六

元

元好問字裕之七歲能詩爲金員外翰林入元不仕
劉因字夢吉拜右贊善大夫以母疾請歸敦召不起
戴表元字帥初一字良伯宋末進士兵亂不仕累薦
不起

方回字萬里號虛谷仕宋降元爲建德路總管

方夔字時佐除舉業不就退隱富山

吳澄字幼清累拜至翰林學士致仕加投資善大夫
郝經字伯常以翰林使宋通好宋拘之後歸元卒

趙孟頫字子昂以蔭補官宋亡家居元搜訪累拜翰

林學士請歸卒追封魏國公有松雪集

袁桷字伯長舉茂才異等授書院山長累進侍講

馬祖常字伯庸官至樞密副使

貢奎字仲章由書院山長累進集賢直學士

張養浩字希孟薦學正進至行臺中丞

許有壬字可用官中書左丞

范梈字德機薦爲左衛教授以母喪哀毀卒

揭後斯字曼碩官翰林侍講

虞集字伯生官侍講謝病歸卒

楊載字仲弘以布衣召為編修官官至推官

黃潛字晉卿侍講學士

薩都刺字天錫官至河北廉訪經歷

宋无字子虛以兵亂遷吳冒朱姓奉親不仕

張翥字仲舉以隱逸薦至翰林承旨

貢師泰字泰甫太和州判官進祕書卿

吳師道字正傳進禮部郎中

周權字衡之號此山

杜本字伯原薦授翰林待制辭疾不赴

方瀾字叔淵

李存字明遠累薦不應人稱番易先生

岑安卿字靜能

余闕字延心官淮南行省左丞陳友諒陷安慶死之

李祁字一初號希蘧江浙儒學副提舉明初徵不起

陳高字子上授慶元路錄事以兵亂棄官往來閩浙

間自號不繫舟漁者

黃鎮成字元鎮屢薦不就授儒學副提舉命下已卒

張憲字思廉號玉笥生負才自放張氏據吳辟為都

事吳公變姓名誓不娶寄食僧寺以死

馮子振字海粟仕爲集賢待制有梅花百詠

陳德永字叔夏號兩峯仕至江浙儒學提舉

鄭東字季明與弟采共著鄭氏聯璧集

楊維禎字廉夫仕至江西儒學提舉明初召修禮樂書以老病辭有鐵崖集

張昱字光弼仕至樞密院判官洪武中徵至京師閔其老曰可閑矣遣還因自號可閑老人

倪瓚字元鎮其先世貴雄一郡元鎮不事生產強學好修藏書數千卷三代鼎彝名琴古玉分列左右

性好潔見俗士避去如恐浼盥頰易水振拂巾服日數十計高尚不仕稱雲林先生

吳景奎字文可

曹文晦字輝伯

郭鈺字彥章號靜思壯年盛氣負奇剛興以茂才徵不就竟以貧死稱處士

王逢字原吉憲司交薦皆以疾辭自號席帽山人

華幼武字彥清家素饒財有援仕辭不就有黃楊集

丁鶴年以字行一字永庚西域人曾祖爲巨商以其貲歸元世高顯官年十八母歿鹽酪不入口五年

言宗 一冊集
晚年屏絕酒肉廬父墓以終明初作丁孝子傳

顧瑛別名德輝字仲瑛輕財結客年三十始折節讀書購古書名畫三代以來彝鼎祕玩碎皆不就母喪斷髮廬墓繙閱釋典稱金粟道人自爲壙志

白珽字廷玉仕至蘭溪州判

張弘範字仲疇仕至蒙古漢軍都元帥

徐世隆字威卿金至大初進士仕元至按察使

仇遠字仁近仕至杭州知事

李忠衍字克昌官南臺御史

陳孚字剛中仕至台州總管府治中

鄧文原字善之仕至國子祭酒

何中字太虛以聘爲二書院山長

戴良字叔能

舒遜字士謙

劉永之字仲修

馬臻字志道號虛中羽士有霞外集

張雨字伯雨一名天雨棄家登茅山授大洞經籙

文宗諱圖帖睦爾武宗次子初封懷王明宗殂卽位

鄭允端字正淑姿稟秀慧尤善詩歌歸施伯仁

項炯字可立

謝宗可金陵人有咏物詩百首傳於世

周震震字亨遠

錢惟善字思復副提舉號曲江居士有江月松風集
陳益稷安南國王也累進光祿大夫儀同三司
于石字介翁

傅若金字與礪以薦除廣州文舉教授

李孝光字季和仕至祕書監丞

成廷珪字原常

劉詵字桂翁

金涓字道原

鄭洪字君舉

釋圓至字天隱姚氏子少習舉子業去爲浮屠

釋善住字無住吳郡僧也

釋惟則字天如族姓譚氏爲方丈曰師子林

明

陶安字主敬號知新官中書參政敏悟有大志

劉基字伯溫號黎眉又號覆瓿青田人封誠意伯

汪廣洋字朝宗左丞相封忠勤伯

高啓字季迪號青丘又號缶鳴戶部侍郎與楊基張

羽徐賁人稱吳下四傑

楊基字孟載號眉菴山西按察使

張來儀初名羽號靜居太常寺寺丞

徐賁字幼文號北郭河南左布政

宋濂字景濂號潛溪妊七月而生六歲能詩歌翰林

承旨

王叔

胡奎字虛白教授

王翰字時舉號梁園

唐肅字處敬號丹厓翰林應奉

孫賁字仲衍號西菴翰林典籍

王佐字彥舉號聽雨給事中

林鴻字子羽繕部員外郎

袁凱字景文號海安監察御史

劉秋

楊訓文字克明

胡廣字光大號冕菴吳郡人狀元大學士諡文穆

宋訥字仲敏祭酒諡文恪

蘇平

包聖

藍智字明之號藍湖廣西僉知

言行字止仲號半軒

湯仲友

張以寧字志道號翠屏年八歲或訟其伯父繫獄以寧詣縣申理尹異之命賦琴堂詩立就伯父得釋以寧用是知名翰林學士

王樟字子充徵至署中書省使梁王死節贈學士

魏觀字杞山號梅初國子祭酒性高尚朗端重

方孝孺字希直人稱正學號遜志齋侍講學士死節郭奎字子章號淮南相府掾

施敬字孟莊

劉仔肩字汝弼

沈夢麟字元昭隱士

顧觀字利賓

顧祿字謹中太常博士

白范字以中任同知

洪貫字惟卿號太白知縣

王冕字元章咨議參軍

王沂字子與號竹亭

劉崧字子高以材學舉吏部尚書

高棅字廷禮號木天翰林典籍

詩宗

一閣集

王豫字內悅溧水知縣

瞿祐字宗吉號存齋周府長史

姚廣孝幼名天禧爲僧法名道衍靖難功贈少師

解縉字大紳號春雨左春坊大學士出爲參議

唐愚士

曾棨字子啓號巢睫少詹事

王侁字孟揚號虛舟檢討

王汝玉

王恭字安仲號皆山聘文淵閣纂修國史

劉昌

姚綬字公綬監察御史

李東陽字賓之號西崖又云懷麓兼太子師吏部尚

書善詩門下多詞客士人瞰亾投詩嘲伴食中書

丘濬字仲深號瓊山大學士諡文莊

朱顯字子榮

倪岳字舜咨號青谿吏部尚書

謝鐸字鳴治號方石一云桃溪禮部侍郎

莊景字孔陽號定山授檢討以言事謫行人司副

邵寶字國賢號二泉禮部尚書贈太子少保

蘇正疑蘇鉉字良聲號竹坡善寫竹石花木

石瑤字邦彥號熊峯大學士謚文隱

吳寬字原博號匏菴狀元吏部尚書謚文定

章懋字德懋號楓山禮部尚書贈太子太保

李善

張弼字汝弼號東海進士

儲燿字靜夫號柴墟吏部侍郎

杭淮字東卿號雙溪都御史

程敏政字克勤號篁墩學士

黃瑜

貝瓊字廷琚號清江國子博士

楊守址字繼立翰林學士著程朱議論碧川文抄

費宏字子充號鵝湖大學士

鄒智字汝愚號立齋舉進士以直諫謫石城卒

楊廉字方震號月湖禮部尚書

桑豫名悅字民懼以孟軻自況長沙府通判

楊榮字時秀工部郎中為大學士性喜賓客雖貴盛

無稍崖岸士多歸心焉謚文敏

沈周字啓南號石田名士

林俊字待用號見素刑部尚書

羅倫字彝正號一峯修撰為起復事謫市舶提舉

詩宗

一閣集

張本字斯植號五湖漫士

陳獻章字公甫舉人不第歸隱號白沙先生

王鏊字濟之號守溪又云震澤大學士

毛紀字維之大學士

李夢陽字獻吉號崆峒戶部郎中江西提舉副使才
思卓然以復古自命倡言文必秦漢詩必盛唐非
是者弗道與何景明徐禎卿邊貢康海王九思王
廷相號七才子皆卑視一世而夢陽尤甚迨嘉靖
初李攀龍王世貞出復奉以爲宗其下推李何王
李爲四大家無不爭效其體

何景明字仲默號大復信陽人陝西提舉副使

顧璘字華玉號東橋刑部尚書虛己好士如恐不及
守浙慕孫太初一元不可得見道衣幅巾放舟湖
上月下見小舟泊斷橋一僧一鶴一童子煮茗笑
曰此必太初也移舟就之遂往還無間撫湖廣時
愛王廷陳欲見之廷陳不可偵廷陳狎遊疾掩之
廷陳避不得遂定交既歸構息園大治幸舍居客
容常滿

王九思字敬夫號漾陂檢討

邊貢字廷實號華泉戶部尚書

馬中錫字添祿官都御史劉六之變死獄中

王守仁字伯安號陽明鬚長拂領兵部尚書忤劉瑾

謫貴州平宸濠封新建伯諡文成

魯鐸字振之號蓮北國子祭酒

孫一元字太初自云名士號太白山人

孫偉

祝允明字希哲號芝山一云枝山應天通判

唐龍字虞佐號漁石吏部尚書

王廷相字子衡號浚川尚書諡肅敏

陳錫

徐禎卿字昌穀號大素大理寺副

黃綰

嚴嵩號介溪仕至大學士少師削籍卒

劉泰字士亨號晚香

孟洋字望之號有涯信陽人大理寺卿

王韋字欽珮號南原太僕寺卿

陳弘謨

李汛號鏡山

孫宐字仲可號洞庭漁人

黃鞏字伯固官大理丞危言極論日月爭光

甘彥初

楊慎字用脩號升庵翰林修撰議大禮謫戍滇南

張治字文邦號龍湖大學士諡文毅

薛蕙字君采號西原考功郎中

吳仕字克學號頤山任提舉副使

孫存

崔桐字來鳳號東洲禮部侍郎

王廷陳字穉欽號夢澤進士編修

陳沂字魯南號石亭翰林侍講行太僕卿

邊憲成化進士兵部尚書

舒芬字國裳號梓溪進士第一修撰

許宗魯字伯誠號少華都御史

許相卿字台仲號雲村給事中

敖英字子發號東谷右布政

黃省曾字勉之號五嶽舉人經魁

顧起綸中書

頓銳號鷗汀戶部主事

金棋

高叔嗣字子業號蘇門按察使

王同祖

文徵明字徵仲號衡山又云南田翰林待詔

唐寅字伯虎一字子畏解元少有雋才會試禮部有

徐姓倩代草文字事發被黜歸吳中縱酒落拓有

六如居士集

張時徹字惟靜號東沙南京兵部尚書

蘇祐字舜澤號穀原總督兵部尚書

高岱字伯宗景府長史

華察字子潛號鴻山侍讀學士

袁表字永之號胥臺廣西提學僉事

金大車字子有號方山舉人

狄冲字仲虛號春溪郎中

顧存仁字伯剛號懷東太僕寺卿

高應冕字文中號穎吾舉人知州

唐順之字應德號荆川都御史

王材字子難號釋川太常卿

喬世寧字景叔號三石按察使

徐階

王問字子裕號仲山進士僉事

龔秉德字性之號虹洲兵備副使

皇甫汸字子循號百泉雲南僉事

羅洪先字達夫號念庵右贊善諡文恭

沈愷字舜臣號鳳峯太僕寺卿

陳東字約之號后岡提學副使

王維禎字允寧號夢麓侍講學士改號槐野

白悅字真夫號洛源僉事

沈鍊字子剛號青崖進士

茅坤字順甫號鹿門河南副使

何喬新字天苗號椒丘刑部尚書

張泰字亨父號滄洲

楊循吉字君謙號南峯禮部主事

李攀龍字子鱗號滄溟提學濟南人河南按察使

王世貞字元美號鳳洲一云弇州刑部尚書

宋儀望字望之號陽山大理寺卿

徐中行字子與號龍灣一號天目江西布政

馬一龍字應圖號孟河國子司業

吳國倫字嗣卿號川樓按察使

梁有譽字公實號蘭汀刑部主事

宗臣字子相號方城福建提學副使

謝臻字茂秦號四溟山人

章幹字邦用號西塘隱士

沈剛臣字嘉則號句章山人

李時行字少楷號青霞主事

陳鶴字鳴野號海樵山陰衛千戶

黎民表字惟敬號瑤石戶部郎中

張佳胤字省甫號居來兵部尚書

何良俊字元朗號柘湖翰林孔目

王世懋字敬美號麟洲太常少卿

江一鵬

陳文燭字玉叔大理寺卿

余應舉改名曰德字德甫副使

于慎行字可遠大學士

吳擴字子充號之山名士

朱永年字仲開號荆溪光山知縣

黃姬木字淳父號士雅又號質山省曾之子名士

張九一字助甫號周田都御史

童珮字子鳴號紫山山人

徐渭字文長號天池諸生

張文介字惟守號少谷諸生

張鳳翼字伯起舉人未仕

文彭字壽承國子監博士

屠隆字長卿又字緯真號赤水禮部儀制司郎中

湯顯祖字義仍號海若禮部主事

李言恭字惟寅號秀岩臨淮侯

盧灃字宗潤號月漁隱士

王穉登字百穀號玉遮太學生

丘雲霄號止止山人

馮琦字用韞號琢菴論德

王叔承字承父

陸弼字無從貢士

楊森字用材

鄧伯羔字孺孝號纓洲

朱良霄

史繼書字元秉號雲津指揮同知

郭正域字美命號明龍禮部尚書

鄧以讚字汝益號定字吏部侍郎諡文潔

李贄字宏父號卓吾姚安知府祝髮

馮夢禎字開之號具區祭酒

陳永年字從訓

馮時可字元成號文所提學參議

李維禎字本寧號翼軒翰林修撰

鄒迪光字彥吉號愚公提學副使

董其昌字玄宰號思白翰林檢討

袁宗道字伯修號石浦左庶子

袁宏道字中郎號石公吏部郎中

湯賓尹字嘉賓號霍林祭酒

陳繼儒字仲醇屢徵不起隱居小崑山自號眉公

曹學佺字能始號尊生按察使

王衡字辰玉號崐山編修

黃汝亨

曾可前字退如號長石編修

高出字孩之號懸圃參政

袁中道字小修號紫雲進士

張正蒙

鍾惺字伯敬號退菴工部主事

丘兆麟字毛伯號太丘御史

華顏

錢謙益字受之號尚湖一云牧齋又號蒙叟編修

王人鑑

朱本洽字叔熙號咏白刑部郎中

潘之恆字景升

俞安期字羨長

吳夢陽字允兆

俞琬綸字君宣號濼明進士

釋來復字見心

鄒氏名賽真當塗濮未軒之配和仲韶之母

黃夫人修撰楊慎妻

徐小淑提學范允臨妻

詩宗閨集卷首



